

ქ. თბილისი

2023 წელი

ერთის მხრივ - საქართველოს ტექნიკური უნივერსიტეტი (მისამართი: ქ. თბილისი, მ. კოსტავას ქ. #77) წარმოდგენილი ადმინისტრაციის ხელმძღვანელის კარლო კოპალიანის სახით („შემსყიდველი“), და მეორეს მხრივ - შპს „მანტა სისტემს“ (მისამართი: თბილისი, ნუცუბიძის I- მრ., კ.16, ბ17) წარმოდგენილი მისი დირექტორის მინდობილი პირის ანდრია ბარნაველის სახით („მიმწოდებელი“), ადასტურებენ, რომ მათ შორის მიღწეულია შეთანხმება შემდეგზე:

1. ხელშეკრულების ობიექტი

1.1. ხელშეკრულების ობიექტს წარმოადგენს სსიპ შოთა რუსთაველის საქართველოს ეროვნული სამეცნიერო ფონდის გამოყენებითი კვლევების გრანტი #AR-19-1211-ის დაფინანსების ფარგლებში 1 ერთეული ბიდისტილატორის შესყიდვა

1.2. ხელშეკრულებით გათვალისწინებული შესყიდვის ობიექტის შესახებ ინფორმაცია მოცემულია თანდართულ ფასების ცხრილში, რომელიც წარმოადგენს წინამდებარე ხელშეკრულების განუყოფელ ნაწილს

1.3. შესყიდვის განხორციელების საშუალება ელექტრონული ტენდერი SPA230000600

2. ხელშეკრულების ფასი

2.1. ხელშეკრულების ფასი შეადგენს: 11761 (თერთმეტი ათასი შვიდას სამოცდაერთი) ლარს.

2.2. ხელშეკრულების ფასი საბოლოოა და ითვალისწინებს შესყიდვის ობიექტის მოწოდებასთან დაკავშირებულ მიმწოდებლის ყველა ხარჯებს და საქართველოს კანონმდებლობით დადგენილ ყველა გადასახადს, გარდა საქართველოს კანონმდებლობით დადგენილი დღგ-ს გადასახადის და საბაჟო მომსახურების ხარჯებისა

3. ხელშეკრულების შესრულების კონტროლი

3.1. მიმწოდებლის მიერ ნაკისრი ვალდებულებების შესრულების კონტროლსა და ზედამხედველობაზე უფლებამოსილია შემსყიდველი მხარე. ხელშეკრულებით ნაკისრი ვალდებულებების შესრულების კონტროლს განახორციელებს სსიპ შოთა რუსთაველის საქართველოს ეროვნული სამეცნიერო ფონდის გამოყენებითი კვლევების გრანტი #AR-19-1211-ის ხელმძღვანელი შალვა კეკუტია, ხოლო მიღება-ჩაბარების აქტზე ხელმოწერას უზრუნველყოფს შემსყიდველის მხრიდან - სტუ-ს ინფრასტრუქტურის მართვის, შრომის უსაფრთხოების და ლოგისტიკის დეპარტამენტის ლოგისტიკის განყოფილების უფროსი არჩილ ჭანკვეტაძე და სსიპ შოთა რუსთაველის საქართველოს ეროვნული სამეცნიერო ფონდის გამოყენებითი კვლევების გრანტი #AR-19-1211-ის ხელმძღვანელი შალვა კეკუტია.

3.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

4. შესყიდვის ობიექტის მოწოდების ვადა და ადგილი

4.1. შესყიდვის ობიექტის მოწოდების ვადა - სახელმწიფო შესყიდვის შესახებ ხელშეკრულების გაფორმებიდან 40 კალენდარული დღე

4.2. მოწოდების ადგილი: ქ. თბილისი, ზურაბ ანჯაფარიძის ქ. #5 (ყოფილი სანდრო ეულის ქ)

4.3. საქონლის მოწოდების დროს მიმწოდებლის მიერ წარმოდგენილი უნდა იქნას ინვოისი, რომელშიც მითითებული უნდა იქნას შემდეგი ინფორმაცია: საბილინგო მისამართი: მიეთითება მიმწოდებლის მისამართი; მიწოდების მისამართი: სსიპ საქართველოს ტექნიკური უნივერსიტეტის ვლ.ჭავჭავაძის სახელობის კიბერნეტიკის ინსტიტუტი, მის: ქ. თბილისი, ზურაბ ანჯაფარიძის ქ. #5 (ყოფილი სანდრო ეულის ქ.), საკონტაქტო პირი: სსიპ შოთა რუსთაველის საქართველოს ეროვნული სამეცნიერო ფონდის გამოყენებითი კვლევების გრანტი #AR_19-1211. გრანტის ხელმძღვანელი შალვა კეკუტია, ტელ: +995 593 269 480

4.4 ხელშეკრულებით გათვალისწინებული საქონელი გამოგზავნილი უნდა იქნეს სსიპ საქართველოს ტექნიკური უნივერსიტეტის სახელზე, განბაჟების პროცედურებს უზრუნველყოფს შემსყიდველი

5. ანგარიშსწორების ფორმა, ვადები და პირობები

5.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში;

5.2. ანგარიშსწორება განხორციელდება შესყიდვის ობიექტის მოწოდების შემდეგ, მხარეთა შორის შესაბამისი მიღება-ჩაბარების აქტის ხელმოწერიდან 10 სამუშაო დღის განმავლობაში. ამასთან, მიმწოდებელმა უნდა

წარმოადგინოს სასაქონლო ზედნადები და საგადასახადო ანგარიშ-ფაქტურა (იმ შემთხვევაში, თუ მიმწოდებელი რეგისტრირებულია დამატებითი ღირებულების გადასახადის გადამხდელად).

6. უფლებების გადაცემა

6.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

7. მხარეთა პასუხისმგებლობა

7.1. ფორსმაჟორული გარემოებების გარდა, ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცდილზე დღეზე შესასრულებელი ვალდებულების ღირებულების 0.02%-ის ოდენობით.

7.2. ხელშეკრულების პირობების შეუსრულებლობის შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო შესასრულებელი ვალდებულების ღირებულების 10%-ის ოდენობით.

8. ფორს-მაჟორი

8.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

8.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

9. გარანტია

9.1. მოსაწოდებელ საქონელზე ვრცელდება 1 (ერთი) წლიანი საგარანტიო ვადა, რომლის განმავლობაში მიმწოდებელი ვალდებულია საკუთარი ხარჯებით უზრუნველყოს სწორი ექსპლუატაციის პირობებში მწყობრიდან გამოსული საქონლის შეკეთება, ხოლო შეკეთების შეუძლებლობის შემთხვევაში - მისი შეცვლა

10. დავების გადაწყვეტა

10.1. მხარეთა შორის სადაო საკითხი წყდება მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხი განიხილება საქართველოში მოქმედი კანონმდებლობის შესაბამისად.

11. ხელშეკრულების მოქმედების ვადა

11.1. წინამდებარე ხელშეკრულება ძალაში შედის ხელმოწერის დღიდან და მოქმედებს 2023 წლის 15 ივლისამდე

12. სხვა პირობები

12.1. ხელშეკრულება გაფორმებულია ელექტრონულად, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად.


12.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მხარეთა რეკვიზიტები:

შემსყიდველი:

სსიპ საქართველოს ტექნიკური
უნივერსიტეტი
მის: კოსტავას ქ. #77
სახელმწიფო ხაზინა
ა.ა. სახაზინო კოდი 708977259
ს.კ. 211349192
ბანკის კოდი TRESGE22

ადმინისტრაციის ხელმძღვანელი
კარლო კოპალიანი



მიმწოდებელი:

შპს მანტა სისტემსი
მის: თბილისი, ნუცუბიძის I მრ., კ.16, ბ17
"თიბისი ბანკის" ცენტრალური ფილიალი
ბანკის კოდი: TBCBGE22
ა.ა GE21 TB06 34436020100001 /GEL
ს.კ. 205186092

დირექტორის მინდობილი პირი
ანდრია ბარნაველი

შპს "მანტა სისტემსი"

ფასების ცხრილი

#	შესყიდვის ობიექტის დასახელება	შესყიდვის ობიექტის ძირითადი მახასიათებლები	წარმოშ. ქვეყანა, მწარმოებელი კომპანია, მოდელი	რ-ბა	ერთ. ფასი	საერთო ღირ-ბა
1	2	3	4	5	6	7
1	ინჟინერული	✓ ბიდიტილაციის მოდული - ბოროსილიკატის მინა ✓ წყლის გასუფთავების პროცესი - ბიდიტილაცია ✓ მისაღები წყლის ტიპი - ტიპი II სისუფთავის წყალი (Type II Pure) ✓ მისაღები წყლის pH: 6.0 - 7.0 ✓ წყლის ელექტრული წინაღობა - 0.5 - 1.0 μS/sm ✓ წარმადობა - 4 ლ/სთ ✓ შემავალი (დასამუშავებელი) წყლის ტიპი - ონკანის წყალი ✓ საშუალო ძაბვა - 220-240ვ ✓ სიმძლავრე - 6 კვტ ✓ წონა - 28 კგ ✓ ზომები, მმ: 360 x 470 x 700 ბმული მწარმოებლის საიტზე: https://pobel.com/en/water-stills/773-water-double-still-model-bi-hydro.html https://pobel.com/en/index.php?controller=attachment&id_attachment=11 https://drive.google.com/file/d/1RZSFqdAFeeF1yk43b9fQ2HaLYD9bHAn/view?usp=share_link	ესპანეთი Vidrio Industrial Pobel, S.A. ბრენდი Pobel მოდელი: BI-HYDRO Still 4.1 (10BIHY0041)	1	11 761	11 761
სულ					11 761	

წინადადების ფასია: 11 761 (თერთმეტიათას შვიდასამოცდართი) ლარი და 00 თეთრი გარანტია: 1 წელი მიღება-ჩაბარების აქტის გაფორმების დღიდან.

ფასები მოცემულია დღგ-ს და საბაზო მომსახურების ხარჯების გარეშე.

საქონლის მიწოდების ადგილი: ქ. თბილისი, ზურაბ ანჯაფარიძის ქ. #5, სტუ-ს ვლ. ჭავჭავაძის სახელობის კომერტიკის ინსტიტუტი

საქონლის მიწოდების ვადა: ხელშეკრულების გაფორმებიდან 40 (ორმოცი) დღის განმავლობაში.

ანგარიშსწორება: მიღება-ჩაბარების აქტის ხელმოწერიდან 10 დღის განმავლობაში.

**Andria
Barnaveli**

Digitally signed by Andria
Barnaveli
DN: cn=Andria Barnaveli,
serialNumber=01017010212,
o=Citizen, c=GE
Date: 2023.03.21 17:26:47
+04'00'

ა. ბარნაველი
პროექტ მენეჯერი
შპს „მანტა სისტემსი“